



歷代 日記叢鈔



學苑出版社

歷
代
日
記
叢
鈔



十七日詢孫驥外孫回北平 偕仲遊廣惠觀 早泄一次午後又泄一次 晚偕仲及荃兒等寺東坡觀山勢見墳園所在恰如一花朶高燥向陽理自不誣

十八日昨夜十二鐘將睡放兒頗以渠經營此室數月尚稱完備余住此未久明日即去未免可惜余以凡事皆留有餘之理喻之無論何事皆不可盡興因推論暴富暴貴之不久長遂至一鐘始睡早未泄至十一鐘始下牀仍泄一次卻頗快大約積解矣早飯後再至墳園視余將來長眠地與妻墓作別 三鐘由城內喚汽車兩具來至四時偕仲及放荃兩兒驕驍寧騾諸外孫回城五時至仲宅荃回其本宅

十九日昨晚又泄一次早未泄午後偕仲挈攷租汽車到前門外購眼鏡兩副又到琉璃廠文楷齋看新購之漢白玉石碣料因見周緝之自預撰墓志銘文頗簡逸此老胸襟灑落歸過隆福寺書肆購四庫書目一部已勞累不可支歸舍 荃兒及其子女陸續來 介然壻亦來

二十日早未泄荃兒挈其子女來介然壻送素席一筵午後三鐘半赴車站攷兒從未四鐘即上車張紹棠劉岱東張櫬恩晉雲卿來送 仲及介然壻詢孫候車開乃去 晚七鐘一刻到津東站周穉平又與車站交涉以人力車拉余出站數斌及王樹人孫壻李克民族孫世傑來接 到宅尚不甚累

二十一日早又泄一次有仲預備藥方服之又泄一次晚十二鐘又泄一次或換水之故

二十二日早五鐘餘即醒又反覆睡至將二鐘始下牀勞困至此方紓又泄一次延張頌椒診脈立方仍仲方之意服之覺好

李勉之來談 看續說郭錢希言西浮籍 看俞曲園春在堂

尺牘

二十三日二十四日未泄惟腹中仍似未淨照服張方 看續

說郭錢希言楚小志 屠隆北征記 董傳策烏蠻瀧夜談記 張耀卿邊堠

紀行 馮時可滇行紀略 李元陽銀山鐵壁謾談 陶望齡游台宕路程 凌

登名榕城隨筆 謝肇淛西吳枝乘 看揚子雲太玄玄言仿易非淺

學所敢妄議第既以方州部家分配其文之初一至上九者又不能於題上討分明所分之題字亦不能饜服人心宜乎起人紛紛也 看朱止泉澤澤文集恪遵朱子醇粹不參雜難得也家藏舊本今春始寄來如見故人

二十五日大解如常腹中變化過來矣 看續說郛李日華禮白嶽記有遇張躡躅一百二三十歲人宋初卽有此名明初有張三丰者或卽此人耶 又蓬櫬夜話 看方彥聞履錢萬善花室文稿幾輔叢書駢體

文能無堆垛氣自是雋才 看釋諦閑述首楞嚴經序指味疏 二十六日舊曆五月望日拈香 祖考薦果品時食 看李冶敬齋古今註聚珍版 二十七日唐山華新公司開董事會

二十八日看揚子雲太玄附王涯說玄 看魏莊渠集正誼堂本

莊渠本李氏 看梅伯言先生詩集

二十九日唐山華新公司開股東會報告上年營業情形唐山陷後停工者兩月有半紗價滯落保兵險費重致無利可獲惟布機染機尚有希望擬再借款四十萬元添織布漂染機以資補救股東一致通過 看陳鏡伊編家庭美德道德叢書之三看續說郭文震亨清齋位置 費元祿鼂采清課 三十日仍服仲所

開第二方藥

七月一日朱燮辰來談 看續說郭陳繼儒巖樓幽事 看焦延壽

贛易林四部叢刊

二日看譚福徵慙山大師年譜疏慙山學極博通惟禪家機鋒語不可為訓如為父經營葬地自是佛教入中國沾溉儒教得此好處爾時其父年八十尚在也乃舉鑊築地曰我今日活埋老子豈不駭人幸其母識機奪其鑊曰我自會埋安用爾耶不然如何下場

三日看鮮于伯幾

樞

困學齋雜錄知不足齋叢書

李薌珊來談

看續說郭彭年林水錄

四日看顏習齋存人編習齋豪傑之士欲推翻漢宋諸儒直接孔子志在救世頗類西洋之大政治家氣概因惡佛老並波及程朱特世界大矣有就目前為力者做得一分是一分縱做到

經天緯地亦無已時而堯舜時之巢由文武時之夷齊偏欲從
上千年下千年為安心立命之所亦不能謂與世無關佛老之
學為不得志於時者另闢一安便鄉卻亦省事清心之道自較
拚命圖名利者有清濁高下之不同故愈聞而愈不止况程朱
雖說心性而發明理一分殊處迥與佛老一味玄虛者不同又
何得一概推倒也

五日仲又寄藥方來照服六日看續說郭慎蒙山棲志 都穆玉壺

冰 看趙甌北廿二史劄記補遺 看周叔迦唯識研究叔迦

緝之第三公子佛學宗派羅列甚清 看岳忠武集忠武與壯

繆皆兒童走卒所共知而廟祀之盛岳不及關殆小說之力乎

壯繆因三國演義而傳忠武不能因精忠傳演義而普及則作
小說者之本領差也至下流社會崇關而不及岳率因演義中
之桃園起團結之功陰與有力固不僅為清世有所避忌 看
羅整菴欽順集正誼堂本

七日放兒挈諒諏譽鑒誦五孫往平西臥佛寺放督修其母墓
工諸孫於暑假中在山習業 看朱燮辰稷垣答問 看陳鏡

伊孝史 道德叢書之四

八日至十一日天甚熱 看續說郛 劉侗帝城景物略 田汝成熙朝

樂事 張鑒賞心樂事 王穉登吳社編 看顏習齋存性編 畿輔叢書

看程允夫洵尊德性齋集 知不足齋叢書 十一日下午雨頗涼

爽

十二日舊曆六月朔 天晴仍熱拈香 祖考薦果品時食

看續說郛武陵競渡略署清陵亭長編 看百八和聲潘對鳧送皆和

其百八鐘聲者

十三日至十五日看佛學半月刊 看陳剩夫真晟集正誼堂本

剩夫布衣上書雖出芹曝之誠究失自重之道不得以伊川比也伊川少師羽之後與宋有世臣關係且有元老薦之剩夫所處何時耶天順俘虜餘生以盜賊行爭回大位李賢雖名相觀奪情一事其素無真學可知剩夫果全不知耶即觀其以盜賊待士子可知矣附錄中慎獨記即今劇中三疑記故事士君子

遇此等事最好以狐鬼斥之使女子有以自處男子亦可解疑
尤不可向人談及也 看續說郭程羽文清閑供 沈仕林下盟 程

羽文田家曆 楊慎古今諺 汪汝謙畫舫約 潘之恆南陔六舟記 看諦

閑金剛經新疏 看陳鏡伊官吏良鑑道德叢書之五

十六日至二十日室內寒暑表縮至八十度 看續說郭林希

恩明經會約 丁奇遇讀書社約 馮時可林間社約 虞淳熙蓮社約 高兆

麟生日會約 霞外雜俎署名鐵腳道人或曰姓杜名巽才 屠本峻韋弦佩

袁中道禪門本草補 嚴武順月會約 徐勣紅雲社約 謝肇淛紅雲續約

李日華浣俗約 又運泉約 看雷學淇介菴經說 幾輔叢書 看孫

夏峯先生理學宗傳 看王輔嗣弼老子道德經注聚珍版 看

淨土五經阿彌陀經 潘對鳧送 看柏枧山房詩集又詩續集又

駢體文 看顏習齋存學編 幾輔叢書 看張子蓋元忬張陽和

集正誼堂本陽和本陽明嫡派張儀封特取此集刊於正誼堂頗

能破門戶之見 看徐槐庭金剛經解義 看王伯厚小學紺

珠 看佛說觀無量壽佛經 淨土五經之二 看徐槐庭心經解

義 看釋彥棕三藏法師傳 看無量壽經 淨土五經之三 與觀

無量壽經大不同當非一人所譯 又大勢至念佛圓通章 淨

土五經之四

二十一日至二十四日看普賢行願品 淨土五經之五 看續說

郭蘇士潛蘇氏家語 陳梁韻史 湯顯祖陰符經解 王文祿胎息經疏 寧

一玉析骨分經 王文祿醫先 又葬度 馬一龍農說 看鍾錢顏習齋

先生言行錄 幾輔叢書 看墨子 四部叢刊 看俞曲園楹聯錄存

看陳鏡伊法曹主臬 道德叢書之六 看王彥輔得臣塵史 知

不足齋叢書 看顏習齋聞異錄 幾輔叢書 看三藏法師傳三藏

隻身出國探求五印度佛迹搜攷經典堅卓之操自倍常品

看蘇平仲集 看司馬溫公涑水紀聞 聚珍版 看湯潛菴集

正誼堂本

二十五日敝兒攜詡孫由臥佛寺墓工回宅 看續說郭利瑪

寶友論 利瑪竇以朋友是第二箇我先儒曾引之以入論語有

朋自遠方來注大約由此採擷篇首曰吾友非他即我之半乃

第二我也此西洋哲學入中國之始

二十六日舊曆六月望日拈香 祖考薦果品時食 看來矣

鮮知德來氏周易圖解又易注

二十七日至三十一日看李恕谷年譜幾輔叢書 看日本何

世寧全唐詩逸知不足齋叢書全唐詩至千卷猶能搜出如許逸

詩逸句其好學深思誠有如翁海琛氏所跋者惟遊仙窟詩雖

云去其猥褻淫靡者數十首然所存者仍不免為猥褻之句安

知非作者所已刪而又過而存之耶 看蘇平仲伯衡集金華

叢書平仲穎濱之裔真所謂有鳳毛耶 看續說郭棗元禮田家

雜占 瞿祐家居宜忌 陶望齡放生辨惑 看陳鏡伊民間懿行道德

叢書之七

看尹文子四部叢刊

看趙周臣秉文閑閑老人集

看清涼山志

看葉采近思錄集解

攷兒挈詡孫復返卧佛

寺墓工

八月一日至三日看清康熙帝欽定性理精義李厚菴光地為

總裁似比明永樂之性理大全見好 看周易本義 看孫夏

峯先生讀易大旨 看續說郭陳繼儒長者言眉公以詩文名當世擬

於東坡此作平正切實不愧長者之言

屠隆清言

看劉艮生人熙蔚

廬文集艮生官河南歷署許州光州知州講船山之學刻船山

四書訓義於都門王鐵珊芝祥其妻弟也受業稱門人吾友郭

亦琴泉聲李星若光燦皆及其門余之得聞船山之學實自亦

琴星若始國變後民生為湖南代理都督死後民國予卹典焉
船山之學最合於排滿民生為清進士以理學名儒自負觀其
文期待甚高卒與於革命之役王鐵珊亦為國民黨巨子其淵
源有自也 看劉調贊恕谷年譜幾輔叢書方靈皋為恕谷至友
雍正元年徐蝶園張桐城擬薦恕谷教皇子又擬聘修明史靈
皋皆代為力辭此正靈皋愛恕谷處出於世俗萬萬者以靈皋
九死一生其辱身喪節處又不能告人故不願良友再蹈覆轍
乃調贊作譜深以為憾毋亦世俗膚見乎因思余為李星若辭
衛輝中學堂教習事益覺悚然 看慎子四部叢刊類補綴之書
非出一手者 看呂碧城歐美之光碧城意在斷屠自是本於